

STADT KOBLENZ

Koblenzer Mundart:

„Rähn on Schnaps“

Nau bitte mir dä Wedergott
zom „Rhein-en-Flamme“-Fest,
dat ä et net en einem fort
hei off ons rähne lässt.

Vur einem Johr do wor et su.
Aus Eimere geschütt'
hat domols et vom Himmel huh,
nix kom recht en de Tritt.

Die Mensche stande Schärm an Schärm
an onsem scheene Rhein.
Verschwunde wor die Summer-Wärm,
dä Mond- on Sterneschein.

Se han geschlottert met de Knee.
Do reef einer: „Ich hab's.“
Ä hält fruhlockend en de Hieh
en gruße Pull met Schnaps.

Die Flasch ging emmer rond em Kreis,
vergeß wor Kält on Rähn.
Mer kann off su en Art on Weis
och Sterncher danze sehn.

Doch bitte mir dä Wedergott,
dat et net mie passiert,
weil Rähn on Schnaps en einem fort
ons Fest nur ruinier!!!

Katharina Schaaf

Katharina Schaaf
4. 8. 68